

**Protocol da la radunanza generala da la
SOCIETÀ LÖ D'INSCUNTER LAVIN**



als 25 marz 2026, 19.15h illa Chasa Fliana a Lavin

Preschaints: 20 personas (vair la glista da preschentscha acclusa) e nossa presidenta Maria Morell
S-chüsats: Otto Denoth, Matias Federspiel, Maria Chatrina Hofmann, Armon Bezzola, Claudia Caprez, Astrid Casura e Ruth Sigmann-Semadeni

1. Bivgnaint

Nossa presidenta Maria Morell das-cha salüdar a 20 commembras e commembers a quista radunanza generala. La presidenta constata cha la radunanza es gnüda convocada tenor ils tschantamaints e perquai abla da trar decisiuns.

La glista da tractandas vain approvada da la radunanza unanimamaing.

2. Tscherner ün scrutinadur / üna scrutinadura

Sco scrutinadura vain tschernüda Nesa Hugentobler da Sent.

3. Preleger ed approvar il protocol da la radunanza dals 02-04-2025

Il protocol da la radunanza generala dals 2 avrigl 2025 vain prelet ed approvà unanimamaing.

4. Approvar il rapport da gestiun

La presidenta Maria Morell prelegia il rapport da gestiun chi cumpiglia la perioda dals 2 avrigl 2025 fin als 25 marz 2026. Id han gnü lö 3 sezzüdas da suprastanza a Lavin ed üna a Scuol.

A S-charl ha gnü lö als 25 gün il da da personal. Uen di da bellezza, cun ün bun aperitiv davant la chasa dad Erica Bischoff, ün bun giantar pro Major ed üna guida fich interessanta aint illa schmelzra. Als 14 avuost han Erica Bischoff e Maria Morell pudü preschantar il Lö d'Inscunter Chasa Fliana Lavin al caffè rumantsch a Scuol. Uen grond nomer da partecipantas e partecipants ha prosegui fich interessats, l'istorgia e las activitats da nossa società.

Dals 21 october fin als 9 december han gnü lö sco üsità ils referats ed ils cuors a Lavin cun 67 partecipantas e partezipants ed il rebomb d'eira fich positiv. Nossa presidenta ingrazcha fich al comitè d'organisaziun per lur gronda lavur.

Sur dals referats e cuors es gnü publichà trais voutas ün artichel illa Posta Ladina.

Il Radio Rumantsch ha fat attent a tuot ils referats rumantschs chi han gnü lö a Lavin.

La situaziun finanziaria da nossa società es aint il rom dals ons avant. Il quint muossa üna perdita da frs. 2'410.86. Quista perdita speraina cha'l Chantun surpiglia, sco impromiss. Sustegn finanziel vaina survgni eir quist on da tuot ils cumüns d'Engiadina Bassa, da la Val Müstair, da S-chanf, Zuoz e La Punt-Chamuesch, da la Corporaziun Energia Engiadina ed eir per la prüma vouta da la Lia Rumantscha.

5. Rendaquint 2025 e rapport dal revisurat

La chaschiera Erica Bischof preschainta il rendaquint 2025 chi muossa pro entradas da frs. 27'972.19 e sortidas da frs. 30'383.05 cun üna perdita da frs. 2'410.86.

Fadri Häfner prelegia il rapport dal revisurat.

Ils revisurs da quint Armon Bezzola e Fadri Häfner han revais il rendaquint e la contabilità ed han chattà tuot in bun uorden. Els propuonan d'approvar il rendaquint e dar dis-charg a la suprastanza, quai chi vain fat da la radunanza unanimamaing.

6. Approvar il preventiv 2026

La chaschiera Erica Bischof preschainta il preventiv 2026 chi prevezza pro entradas da frs. 30'425.- e sortidas da frs. 33'000.- ün deficit da frs. 2'575.-. Il preventiv vain acceptà da la radunanza unanimamaing.

7. Fixar las contribuziuns da las commembranzas 2026

Las contribuziuns ed ils cuosts pels cuors restan sco ch'ells d'eiran fin uossa.

Las contribuziuns per las commembranzas da frs. 30.- per singuls, frs. 50.- per conjugals e famiglias, e frs. 80.-- per personas giuridicas vegnan approvadas unanimamaing e restan sco fin quà.

8. Program da lavur 2026

Mengiafila Luzi preschainta üna survista dals 8 cuors manuals ch'ellas fan quint da scriver oura.

Christiana Willy preschainta ils temas dals 8 referats chi cumainzan als 20 october 2026 e dūran fin als 8 december 2026. Eir quist on es il program dals cuors e dals referats fich varià ed interessant. La radunanza ingrazcha al comitè per sia gronda lavur.

9. Elecziuns

Seguond statuts vaina elecziuns mincha 4 ons. Ingünas commembras da suprastanza, ne revisurs nun han demischiunà e neir otras propostas nu sun gnüdas fattas.

Cun quai vegnan elettas : Maria Morell sco presidenta, Tina Bott sco actua, Erica Bischoff sco chaschiera, Annapratrizia Richert sco assessura ed Anastasia Parli sco punt tanter la società e la Fundaziun. Sco revisurs restan Fadri Häfner ed Armon Bezzola.

10. Propostas inoltradas da commembras o commembers (art. 14, alinea 4 dals tschantamaints)

I nu sun entradas ingünas propostas.

11. Varia

Il di da persunal da quist on vain fixà süls 26-06-2026 e maina vi'n Val Müstair.

Erica Bischoff orientescha cha la nūvla da Google Drive nun es plü in funcziun e cha tuot nossas datas vegnan missas sün ün disc e quel vain deponà aint il tresor pro Maria.

Uossa ingrazcha nossa presidenta ad Anna Margaritta Filli per sia lavur dūrand 51 ons in Chasa Fliana. Eir a Jachen Erni gratulescha ella per seis 80avel anniversari e per tuot quai ch'el ha fat per la Fliana, cultura e musica.

Eir Jachen Erni ingrazcha ad Anna Margaritta per tuot la lavur cha ella ha prestà dūrant 51 ons.

Per finir disch Maria ün grond grazcha fich a tuots chi han contribui eir quist on al success da nossa società. A tuot las 162 commemoras ed a tuot ils commembers.

Uen spezial grazcha fich va ad Aita Bischoff chi administrescha nossa pagina d'internet a plaina satisfacziun.

Grazia a mias collegas da supranza ed al team chi sun tuot on activas ed adüna prontas per am spordscher agüd, bunas ideas e propostas.

Hoz pudaina festagiar il jubileum da 70 ons scoula da paurs Chasa Fliana, üna grond'ouvra cha nos ravarenda Rico Parli, barmör ha miss in pè quella vouta.

Uen ingrazchamaint va eir a tuot quels chi han manà inavant quist'ouvra fin al di d'hoz cun premura e grond success.

La radunanza vain serrada a las 20.30.

Scuol, 30 marz 2026

In buna fai, l'actuara

Tina Bott – Margadant

Persunas preschaintas :

Annina Erni, Scuol

Jachen Erni, Scuol

Tina Bott, Scuol

Anna Margaritta Filli, Lavin

Ursina Ganzoni, Sent

Mathilda Pernisch, S-chanf

Christiana Willy, Zuoz

Dumeng Bischoff, Scuol

Erica Bischoff, Scuol

Fadri Häfner, Guarda

Mengia Bonifazi, Lavin

Maria Morell, Guarda

Tina Puorger, Sent

Nesa Hugentobler, Sent

Curdin Bonifazi, Lavin

Annastasia Parli, S-chanf

Annapatrizia Richert, Bos-cha

Padruot Fried, Lavin

Ines Barblan, S-chanf

Christa Pinggera, Zernez

Mengiafila Luzzi, Ramosch